

逸周書補注

逸周書卷九

晉孔晁注

江都陳逢衡補注

大匡解第三十七

謝墉曰前已有大匡此不應又名大匡蓋因篇內有大匡字也不能定其訛錯之故衡按前大匡文王時作義取救荒此篇武王時作義取定亂

惟十有三祀王在管管叔自作殷之監東隅之侯咸受賜於王王乃旅之以上東隅

孔注東隅自殷以東旅謁各使陳其政事者也

補注十有三祀武王卽天子位之元年管管叔封邑
今開封府鄭州東二十里舊管城是也竹書紀年命
監殷遂狩於管卽此時蓋王方議監殷之命而管叔
恃親而請挾武王以不得不允之勢故曰自作觀於
在文考時諫密須之伐武王蓋已微覘其不可托矣
特以親親之誼不可拒故下文潑戒諭之東隅之侯
東方諸侯也咸受賜於王蓋因舊封而命之王乃旅
之以上東隅旅祭也祭東隅之山而爲壇以告諸侯
與管叔也上猶升也張惠言曰旅尊禮也上長也禮

管叔命爲東方牧伯

用大匡順九則八宅六位

孔注古大匡有所法

盧文弨曰
古一作言

補注匡正也九則兼告諸侯八宅六位專戒管叔

寬儉恭敬夙夜有嚴

孔注言當嚴敬思順也

補注此總冒之辭寬以臨民儉以守己恭以待人敬
以事上四者侯服之大端夙夜有嚴則無敢戲豫矣

昭質非樸樸有不明明執於私私回不中中忠於欲思慧

醜詐

孔注忠於欲謂忠於絕私欲也

補注明於事而以實意行之之謂質樸則一愚蠢無
識而已故不明明執於私本心之明蔽於私也執有
泥而不化之意私回不中輾轉於內也回邪也忠周
也中周於欲則不違衆以從己之欲而公生明矣故
思慧醜詐慧能破愚則詐無所用案醜者醜耻之義
與旣醜有夏之醜同下篇九醜亦此意蓋因商俗之
壞而思以變易之也

昭信非展展盡不伊伊言於允思復醜譖

孔注展似信而非伊伊推也

盧文弨曰本或作誰也

補注言出於義而不虛假之謂信展則勿論事理之

當然而必期於踐也外傳展而不信與此同義展盡

不伊伊疑當作尹尹正也必期於信則不能盡出於

正矣下伊字並同尹言於允者謂當正言以求其信

也故思復醜譖復如信近於義言可復也之復譖子

念切與僭通不信也

詩大雅語始竟背箋本亦作僭又覆謂我僭傳僭不信也本亦

昭讓非背背黨雍德德讓於敬思賢醜爭

孔注讓以待之非棄背也

補注準乎不可而謙以受之之謂讓背則違而去之恒矯情鎮物以自明故朋黨相激而有德者咸引嫌自退矣雍與雍同蓋讓非一切謝絕之謂能以德讓而一本於敬則維賢者能之故思賢醜爭

昭位非忿忿非口直直立於衆思直醜比

孔注位所以行道非以息忿忿怒也

補注恪共守職和衷共濟之謂位忿則攬權結勢以

氣相高矣直立於衆非骨鯁不能故思直醜比比阿
比也

昭政非閑閑非遠節節政於進思止醜殘

孔注政以道民非禁閑之也故貴得節也

補注法制禁令整齊嚴肅之謂政閑有閑塞苛刻之
義閑非遠節未詳節政於進則無求治太速之慮故
思止醜殘止謂不出位而事當其可殘者求進而不
知止則賊恩忍善無所不至矣

昭靜非窮窮居非意意動於行思靜醜躁

孔注仁者好靜窮非取樂

補注靜者不以嗜欲亂其中而自能樂天安命之義
窮則時位俱失枯木自朽而已意志也窮居則志失
故非意意動於行則有爲有守而能求其志矣故思
靜醜躁躁者此心妄動之謂

昭潔非爲爲窮非涓涓潔於利思義醜貪

孔注涓潔於利不以自汙

補注澡身浴德立心純白之謂潔爲則立異以爲高
矯情以干譽矣古者遯世無悶不見世而無悶故昭

潔非爲爲窮如陳仲子避兄離母之類故非涓言不
得爲皎皎獨立之士也涓潔於利則自守者嚴而非
義不爲故思義醜貪貪則不潔之尤者也凌曙曰二
爲字當讀如無所爲而爲之爲言昭潔之士本無所
爲而爲之若有所爲而以窮約自高則不得謂之涓
矣涓與猥通卽孟子所謂不屑不潔之士然亦許之
昭因非疾疾非不貞貞固於事思任醜誕

孔注疾口

補注張惠言曰昭因不可曉按文政亦有九醜一仁

二行三讓四信五固六治七義八意九勇以此合之
信讓二者是矣仁當昭質行當昭立治當昭政義當
昭潔意當昭靜則昭因當爲昭固而缺昭勇一條衡
案因當如張說作固昭固者中有定見果於力行之
謂疾則但取速成而已疾非不貞非字疑誤真正也
貞固於事則能任故思任醜誕任者克荷之義誕則
往向不堅持才妄作而已

昭明九則九醜自齊齊則曰知悖則死勇

盧文弨曰案上所陳九則九醜

尙少其一疑昭質
非機一段有脫文

孔注明此九法則所醜義成九法咸則苟死於勇不

知節

補注昭明九則昭質昭信昭讓昭位昭政昭靜昭潔

昭固也九醜醜詐醜譖醜爭醜比醜殘醜躁醜貪醜

誕也

九則九醜俱缺一

齊一也九醜自齊過而能改則與善

一矣齊則曰知心有明則愧耻生悖則死勇梗而

不化則死亡近日知當作日知二則字即指上九則

勇如害上則不登於明堂

盧文昭曰如與而同舊作知誤左氏文二年傳引云勇則害上

不登於明堂

明堂所以明道明道維法

李兆洛曰此正解昭勇而冠以九則蓋有脫有

倒堂

孔注惟以法度化人

補注勇而害上悖則者也悖則之士王者不用故不
登於明堂明堂政事所出故以明道法則也惠氏禮
說夏官司勲一條引魏高堂隆議謂周書勇則害上
不登於明堂言有勇而無義不登堂配食此配食在
堂之明證左傳引之曰周志今之周書古之周志也
衡按登於明堂作進用解未見爲配食也勇如害上
一語武王蓋已暗防東諸侯煽武庚作亂

法人惟重老重老惟寶嗚呼在昔文考戰戰句惟時祇祇

句

汝其庸

庸字舊脫盧文弼曰汝其下疑脫庸字衡案注汝其用之盧說是今據補

孔注言其所尊者老人乃政之寶也文王惟敬是道
汝其用之汝諸侯也

補注人謂賢人法人謂以賢人爲法則也老者九則
之典型故三老亦謂之三寶重老惟寶王者是以登
之明堂此上兼戒管叔與東隅諸侯之辭嗚呼以下
則專戒管叔故稱文考以助之呼汝以警之孔謂汝
指諸侯誤在昔文考戰戰卽大開武所謂文考恪勤

戰戰也惟時祇祇卽康誥所謂丕顯考文王庸庸祇祇也戰戰者戰而又戰驚憚之甚也祇祇者敬所當敬尊禮之至也時是也指重老言

夙夜濟濟無競惟人惟允惟讓不遠羣正不邇讒邪

孔注言當進正士遠讒人

補注濟濟人材衆多之貌夙夜夙興夜寐也詩曰濟濟多士無競惟人人謂賢人言能得人則無敵也允信也讓謙遜也法人重老則當崇信而尊禮之

汝不時行汝害於士士惟都人孝悌子孫

孔注不行是文王之道其如此也

補注汝謂管叔時是也指上不遠不邇說汝不是行
則必害於羣正矣士惟都人孝悌子孫皆汝所當寶
都人謂殷氏

不官則不長官戒有敬官口

空方疑是師字

朝道舍賓祭器曰入

宅長上聲

孔注官以長官所戒惟敬則入宅順矣

補注張惠言曰士事也任事者惟都人孝悌子孫汝
不官之則不能長人衡按宅卽宅乃事宅乃牧宅乃

準之宅宅居也謂入者各有宅任不可假也

綏比新故外內貴賤曰六位

孔注安之比之各以其道則位順也

補注新故內外貴賤所謂六位也新不易故外不間
內賤不陵貴則位定矣綏之則能安其職比之則能

合其功

大官備武小官承長

長上聲

孔注承奉

補注大官備武威則能使衆也小官承長大事則從